

LEZENDIA

DRO FAMOSO COMBATTIMENTO

Seguì ri 17 d'Ottobre l'Anno 1763.

FRA RA NAVE ZENEIZE

Nominâ

S. FRANCESCO DE PAOLA

Comandâ da ro Magnifico

CAPITAN DOMENEGO CASTELLIN

E CINQUE SCIABECCHI, E UÑA FREGATTA ALGERIN,

Con ra desfœta dri mæximi.



INFORMAZIONI

Questo testo è stato scaricato dal sito stefanodurso.altervista.org ed è distribuito sotto licenza 'Creative Commons Attribuzione - Non commerciale - Condividi allo stesso modo 4.0'

Edizione di riferimento:

Titolo: Lezendia dro famoso combattimento seguò ri 17. d'ottobre l'anno 1763. fra ra nave Zeneize nominâ S. Francesco de Paola comandâ da ro magnifico capitan Domenego Castellin e cinque sciabecchi e uña fregatta Algerin, con ra desfaeta dri maeximi

Pubblicazione: In Zena : stamperia Gesiniana, [1763]

Descrizione fisica: XI p. ; 2°

Note generali: Data desunta dal testo.

Versione del testo: 1.0 del 23 dicembre 2022

Versione epub di: Stefano D'Urso

LEZENDIA

DRO FAMOSO COMBATTIMENTO

Seguìo ri 17 d'Ottobre l'Anno 1763.

FRA RA NAVE ZENEIZE

Nominâ

S. FRANCESCO DE PAOLA

Comandâ da ro Magnifico

CAPITAN DOMENEGO CASTELLIN

E ÇINQUE SCIABECCHI, E UÑA FREGATTA ALGERIN,

Con ra desfæta dri mæximi.

Ra mæ Muza a ra Zeneize,
Vœuggio un pô desgagginâ;
Perchè all'uso dro Paize
A m'agiutte aora a cantâ
Ro famoso CASTELLIN,
Ro terrô dri ALGERIN.

Quello Erroe degno d'istoria,
Chi s'è reizo in quest'azion
Immortale; e tanta gloria
O l'ha dæto a ra Nazion:
Quello bravo Castellin,
Ro flagello dri Algerin.

De Zerman a ro confronto⁽¹⁾,
De Vivian⁽²⁾, de Cabanê⁽³⁾,
Senza fâghe torto, o affronto
O pœu stâghe ancora lê,
Ro famoso Castellin,
Ro terrô dri Algerin.

D'Ottobre l'ottavo giorno
Sarpò l'ancora, e sciortì
Da ro porto, e a mêzo giorno
Voltò prova, e poi partì.
Con bon vento a so camin,
Ro famoso Castellin.

Bon Vascello in ra Sestriña
Ciazza stæto fabricaò;
O squarsava ra mariña

¹ Combattimento del Capitan Agostino Germano, comandante la Nave Nostra Signora di Loreto, l'anno 1679. alli 8. di Marzo contro 7. Navi Algerine.

² Combattimento del Cap. Stefano Viviano, comandante la Nave Nostra Signora di Misericordia, e S. Rosa, contro le Navi Capitana, Almirante, e Governo d'Algeri in vicinanza del Capo S. Vincenzo il giorno 17. Agosto l'anno 1709.

³ Combattimento del Cap. Giambattista Marcenaro detto di soprannome Cabanero, comandante la Nave nominata S. Francesco di Paola, contro due grosse Navi Algerine, dove valorosamente lasciò la vita Gio. Andrea suo fratello.

Combattimento del suddetto Marcenaro, contro tre Navi Algerine nell'Altura di Carbonara nella Costa di Spagna.

Combattimento del suddetto l'anno 1690, sopra il Capo Finisterre contro due grosse Navi Algerine.

A inscie veire incaminaò.
Comandante è Castellin,
Ro spavento dri Algerin.

Trentadoî l'è l'armamento
Pezzi de canon mezan:
Hommi o l'ha sætte e duxento
Da tagnî l'arma a ra man:
Ma ro bravo Castellin
Vâ per doi miria Algerin.

Croxe rossa in campo gianco⁽⁴⁾,
Per Stendardo o l'erborò
Bon Zeneize: e non me stanco
Mai de dîghe, e ghe dirò
L'immortale Castellin,
Ro flagello dri Algerin.

Vento in veira navegando,
Re træ Izore o scrovì
De Maiorca⁽⁵⁾, bordezando
Doppo dri œutto, o nœuve dî
Ro famoso Castellin,
Ro terrô dri Algerin.

Dri dîsette ra matiña
Se descroeve da lontan

⁴ Bandiera Genovese.

⁵ Majorca, Minorca, ed Eviza. In vicinanza di quest'ultima, seguì il sanguinoso combattimento.

Uña Quæra, uña Latiña:
Fin a sei crescendo van.
Guarda, e dixè Castellin,
Stemmo all'æarta! En Algerin.

Spallezzæ da uña Fregatta
Cinque son Sciabecchi armæ
Vegnan drîti de regatta
D'abordâ delibera;e;
Ma non temme Castellin
Quelli cani d'Algerin.

Presto... Allon... Dæve recatto,
Miccie asseize... A ro canon...
Piggie ognun senza sciaratto
Posto, e senza confuxion;
Femmo veì a sti Algeria
Quanto peiza Castellin.

Fœura ranci... Impagettæsve...
Gente d'âto... Añimo e cœu.
A combatte appareggiæve,
Che vittoria çerta ancœu
Ve promette Castellin
De sti cani d'Algeria.

A ra voxe dro comando
Un silenzio ne sciortì,
S'andon tutti appareggiando
Ro sò posto ognun crovì

Con ro bravo Castellin,
Aspêtando ri Algerin.

Uña tenera parlata
Fæta a tutti presto e ben;
Un gran fœugo in cœu ghe fâta,
Ro coraggio a tutti ven.
Criar viva Castellin
Ro spavento dri Algerin.

Reciamæve a ra memoria
Boin Zeneixi a pendoron
Re Cadeñe⁽⁶⁾, e ra Meloria⁽⁷⁾,
E tant'atre cose ancon
De ciù grande, e de ciù fin
Da fâ batte, a ri Algerin.

Ve sovêgne ro Levante
Palestina, e Neigro mâ⁽⁸⁾
E in quant'atre terre, e quante
Sta bandera foì ciantâ.
Ma finisce Castellin
Fœugo addosso a ri Algerin.

⁶ Catena del Porto Pisano, che fu condotta a Genova per Trofeo, ed appesa in varj luoghi principali della Città.

⁷ Scoglio della Meloria in vicinanza di Livorno, dove naufragò l'Armata Pisana battuta, ed inseguita dalla Genovese.

⁸ Sono infinite le azioni fatte dalla Nazione Genovese ne' Mari, e Paesi del Levante, specialmente nella Palestina, e nel Mar Nero. *Vide Giust., Fogl. Istor. Genov.*

Son vexin, son tutti in giro.
Se fâ fœugo de canon.
Doî Sciabecchi a bruxa tiro
Intr'e Sartie ro Risson
Bœuttan dentro, e Castellin
Fœugo cria a sti Algerin.

Fœugo de moschetteria,
De granate, e de pistoin,
De pugnatte, e l'armeria
Gianca zœughe, e ri spontoin.
Fœugo cria Castellin
Sempre addosso a sti Algerin.

Tutt'atorno, e da ogni parte
Gh'eran Turchi arampinæ.
Da re antenne uña gran parte
In covæta eran buttæ,
Ma ro bravo Castellin
Taggia a pezzi ri Algerin.

Picossæ de ponta e taggio,
Teste, braççe in aria andon.
Intra e sciorti, ogni abordaggio
Peì, e pelle ghe lascion.
Viva viva Castellin
Ro terrô dri Algerie.

Un infæno ghe pareiva
De gran fœugo, e ramadan;
Da ro fumme non se veiva

Nè vexin, nè da lontan.
Ma ro bravo Castellin
Sempre adosso a ri Algerin.

Ro mâ, rosso compariva
Da ro sangue zà imbrattaò:
De buscagge o se croviva,
E d'attrezzi imbarassaò.
Ro canon de Castellin
Fracassando ri Algerin.

Doî Sciabecchi ri ciù ardî
Desmattæ se retiron;
E doî atri freschi, e unî,
A ra Nave s'arembon;
Ma ro bravo Castellin
Ghe fe fâ ra mesma fin.

Ra Fregatta era de poppa
In battaglia appareggiâ,
Co un canon de mezapoppa
Castellin l'ha fracassâ.
Viva viva Castellin
Ro terrô dri Algerin.

Uña canonâ de ficco,
A sciô d'ægua a l'ha buttaò
Un Sciabecco grosso a picco,
Che per œuggio o l'è passaò.

Viva viva Castellin
Ro spavento dri Algerin.

Saran morti setteçento
Turchi, e forsi ancora ciù.
Ri ferii son quattroçento
Per portâ ra nœva in zù,
Con ro resto dri Algerin
Dro famoso Castellin.

Douzze morti, con quaranta
Dri ferii son ri Crestien.
Ra vittoria Zena canta,
Ra desfæta de sti chen.
Viva viva Castellin
Ro flagello dri Algerin.

Ro piaxeì, con l'allegria
Chi spiegâ pœu dra çittæ?
Renasciua, e resciorìa,
Che ghe pâ l'antiga etæ,
In ro bravo Castellin
Ro tormento dii Algerin.

Ro GOVERNO, e ro SENATO
Con ri voti han decretaò,
Che a qualunque Magistrato,
Per Magnifico chiamaò
Sæ ro grande Castellin,
Ro terrô dri Algerin.

Han ri mæximi COLLEGI
Regalaò de monizion,
Con quarch'atri privilegi
De comando, e de baston
Ro famoso Castellin
Ro spavento dri Algerin.

Non me scordo ro Tenente⁽⁹⁾
Comandante i Granatê
De Paraxo, che valente
O fè ben ro so mestê
Combattendo ri Algerin
Con ro bravo Castellin.

De sta celebre vittoria,
A ri figgi dri figgiœu
Che ne reste ra memoria
Fin a tanto che fe pœu.
Viva viva Castellin
Ro flagello dri Algerin.

⁹ Il Tenente Lodovico Grillot del Reggimento di Palazzo promosso dal Sereniss. Governo al grado di Capitano, per essersi segnalato in quell'azione.